

## Penerbit UMP anjur Bengkel SPSS



Kuantan, 18 Mei - Bengkel Statistical Package for the Social Science (SPSS) Introductory Course anjuran Penerbit UMP berjaya menarik kehadiran lebih 20 peserta pelajar pasca siswazah daripada sekitar daerah ini.

Kursus yang disampaikan oleh Profesor Madya Dr Mohd Rashid AbHamid itu berlangsung selama dua hari bertujuan untuk memberi pendedahan kepada pelajar tentang penggunaan asas perisian SPSS dalam bidang penyelidikan.

Seorang peserta, Wan Siti Atiqah Wan Omar berkata, banyak perkara baru yang dapat dipelajari menerusi kursus ini biarpun pernah menghadirinya sebelum ini. "Menerusi kursus ini saya mempelajari teknik "One-way ANOVA yang menampilkan penggunaan lebih daripada dua varians. Justeru, ianya begitu bermanfaat dalam membantu kajian saya," katanya yang juga pelajar Pasca Siawazah

UMP.



Peserta dari Kolej Universiti Islam Pahang Sultan Haji Ahmad Shah (KUIPSAS), Nur Yani Che Hussin berkata, kursus ini wajar diadakan lagi berikutan dapat meningkatkan kemahirannya dalam menggunakan perisian SPSS.

"Saya berharap supaya kursus ini akan terus diadakan secara berperingkat. Tenaga pengajar sangat berpengetahuan luas dalam bidang ini dan banyak persoalan saya mengenai SPSS telah terjawab," katanya.

Pengarah Penerbit, Profesor Madya Dr Mohd Ghani Awang berkata, pihaknya berterima kasih ke atas sambutan yang diberikan peserta terutamanya daripada KUIPSAS yang telah menghantar seramai 17 peserta pada bengkel ini. Katanya, Penerbit akan sentiasa menyediakan peluang kursus yang berkaitan dengan penyelidikan pensyarah dan pelajar di sini.

"Matlamat kami adalah untuk memudahkan pelajar dan pensyarah untuk menghadiri kursus yang biasanya dianjurkan oleh organisasi luar. Kami juga akan sentiasa menyokong keperluan akademik seiring dengan matlamat UMP untuk menjadi universiti bertaraf dunia," katanya.

***Disediakan oleh Shalfarina Shahrman dari Penerbit UMP.***

Posted By : NUR LAILA BINTI AFANDI Date Posted : 31-05-2017, 16:09:57